

ԱՐՈՒԵՍՏ ԳՐԱԲԱՐ ՔԵՐԹՈՒԹԵԱՆ ԱԼԻՇԱՆԻ¹

Ալիշան էր իսկատիպ հանրագիտակ, երանելի տիպ մշակի, յորում սակաւագիւտ երջանկութեամբ ի դէպ եկին եւ ի միում կիտի ներանձնացան արուեստագիտ նրբահայեաց եւ խրոխտաշունչ, գիտնական նախանձախնդիր եւ բազմագիտակ, եւ կրաւնաւոր՝ խորագոյնս հաւատացեալ: Եւ ոչ էին զուտ եւ անխառն ի նմին երրեակ հայեացք ընդ աշխարհ, այլ՝² համադրեալք այնպէս, զի իբրեւ բանաստեղծն խաւսէր, կրաւնաւոր եւ գիտնական ձայնակիցք լինէին նմա, գիտնական զգիտումն եւ գքննութիւն իւր ընդ գրով արկանէր, ոգեշնչումն բանաստեղծական եւ հայեցումն կրաւնազգեաց միաբան ուղեկիցք լինէին նմա: Ո՞չ ապաքէն, Ալիշան ինքնին էր ինքնաբաւ միաբանութիւն ի միաբանութեան: Համեստագոյն տիպար կաճառականի, որ անձամբ էր կաճառ լուսակերտ: Հայելի անշրջանակ, յոր հայեցեալ՝ ազդ մի համար լինքն ճանաչչ եւ զգենու զհպարտութիւն վասն փառաւոր անցելոյ իւրոյ: Է «հայրենիաց սրբազն զգացման մեծ վառարան»³, որ ջեռուցանէ եւ զոգիսն, վառէ զինու առ ինքն մատուցելոց ա-

1 Յաւլուածն այս եւս հոգայ համարէն պահպանել զկերպ գրառութեան նախնեաց մերոց՝ որչափ կար է կանգնեն զանուս հնագոյնս: Ուղեցոյց սկզբունք եւ իմանաւորմունք գտանին ի մատենի ինքնագրիս «Երբ յայտածումն է մաշտոցեամ ուղղագրութիւնը», Երեւան 2018:

2 Հնագոյն ձեռագիր վկայութիւնն հասաստեն, զի դատագիր էր նախնի հաւատարմագոյն ձեւ բառիցս «այլ, գայլ, փայլ, սայլ, զմայլ, թշոյլ, բոյլ, բոյլ, ձոյլ» եւ առ հասարակ որոց յանգ ելեալ է հնչակցութեամբն «-յլ»: Այսաւը գոնի բառագոյգի, յորս մի պահպան զինագոյն կերպ գրութեան իւրոյ՝ մառախուղ-մառախլապատ, աղ-անալի, խուղ-խլանալ, չիղ-չիլ, փաղիխւն-փայլ եւ այլն:

3 Ղեի՛նսդ Ալի՛շան, Յուշիկ հայրենիաց Հայոց, հասոր Ա., Վենետիկ 1869, 20:

մենեցուն, եւ որոյ կայծից թռուցելոց կար է հասանել ի սիրտս Հայկակաց⁴, եթէ նոքին բաց իցեն ընդունել զնոսին:

Ի գրականութեան Հայոց Ալիշան ոչ եւեթ հարթեաց զուղի վիպաղաւանութեան⁵, որ ի լեզու այլոց կոչի romantism, այդ եւ ինքեամբ եղեւ գաղափարական եւ նախանձելի անձն անաւրինակ վիպին այնորիկ, զոր գրեաց սեպհական կենաւք եւ գործովք եւ ետ զծմարիտ աւրինակ ուսուցչի, պատմաբանի, հայկաբանի, հետափուղի, ի ձեռն որոց մարթէր ընդարձակել զինքնաճանաչման եղերտիս⁶ ժողովրդեան: Եւ նախ քան զամենայն արդարեւ եղեւ իսկատիպ բանաստեղծ, սանդուղք ոգեկուռ, ընդ որս մարթի եւ լանել ազգ մի առ ի պայքարել վասն հայրենեաց, կառուցանել զհայրենիս եւ բարձրանալ յոլորտս ոգեղինութեան: Ոչ եւեթ եղեւ ռահչվիրայ նորոյ շարժման, այդ եւ ձեռն էարկ փորձել զքանքար իւր յամենայն սեռս, յոճս, ի կերպաւորմունս գեղարուեստական լլացմանց: Զկարի ճշմարիտ բնութագիր քնարերդութեան Ալիշանի գտանեմբ յէջս Արշակայ Չօպանեանց, որ հաւաստէ, զի երգ նորին է վեհագոյն, ճոխագոյն, հզաւրագոյն, քան զամենայն երգս արձակեալս ի քնարէ Հայոց, այդ եւ է յոյժ բազմազան: Զի Շնորհալի, Նարեկացի, Խորենացի, Թղկուրանցի, Եղիշէ եւ Պլուզ ի նմա միաբանեալ են զձայնս իւրեանց՝ եղբայրակցելով ընդ հնչիւնս տաւղաց Պետրարկայի, Լամարթինի, Միլթոնի, Հիւգոյի, Բայրոնի: Եւ ձայն Ալիշանի, որ է միանդամայն բորբոք, միամիտ, դիւցազնական, քնքոյշ եւ կսեմական, բիսէ ի խորուստ հոգւոյն նորին եւ ամենեւին է ինքնուրոյն⁷:

Ակնյայտաւրէն փայլէ⁸ նա զանազանութեամբ քանքարի իւրոյ, ի քնարի նորին բարեյարմարեալ⁹ են ամենայն աղիքն¹⁰ քնարերգութեան Հայոց, բանաստեղծական աշխարհայեցումն նորա կերպաւորի ի տաղաչափական բազմակերպութեան եւ թուի ի նմա համարէն խտացեալք են եղանակք, կերպք, դարձուածք

4 Հայկակ՝ անուն պատանւոյն, որ է Յշանակ նորոյ սերնեան Հայոց, ընդ որ զրուցէ եւ առ որ նուիրեալ են յուշիկիք հայրեննաց Ալիշանի:

5 Վիպադաւանութիւն, որ եւ վիպապաշտութիւն անուաննեն:

6 Եզերտի՝ այլաւրէն կոչի հորիգոնն:

7 ԶՕՊԱՆԵԱՆ Ա., Դէմքեր. Հ. Եւոնն Ալիշան, ի Անահիտ, հանդէս ամսաւրեան, Փարիզ 1902, թիւ 4, 74:

8 Վասն այսորիկ տե՛ս ի ծանաթագրութեան որ ընդ բուով 2:

9 Բարեյարմարեալ՝ վայելչաւրէն միաբանեալ:

10 Աղիք՝ լար կամ քել նուազարանի:

ստեղծաբանութեան¹¹ Հայոց, որք թէ եւ ոչ իսկ մշակեալք են ցբիւրեղացումն, այնու ամենայնիւ կարի լայնածիր առնեն զթեւահարումն քերթողի, եւ գերգ նորին կարի բազմաձայն հնչեցուցանեն: Թուի՝ ոչ եւ եթ ձայնք բանաստեղծաց անցելոց լուան ի նուագարանէ Ալիշանի, այդ եւ հնչիւնք ամենայն, զորս հանդերձելոց էին երգել քերթողք ըստ ինքենէ՝ ժառանգեալ զաղի ինչ ի լայնալիճ քնարէն:

Մինչ «Երգովք հանգրուանաց»¹² զգեղատեսիլ հովուերգութիւն իւր սրնդէր Ալիշան վասն պարզ կենաց գեղջ, վասն բնութեան, տուարածի, գառանց, վասն գետոյն, որ զքար ալիւրահոս պտոէ, արձագանդ հնչիւնից նորին ցոլացին ի «Նոր տապո»¹³ Մեծարենցի, «յերգոյն ձայի»¹⁴ Վարուժանի՝ բարձրացուցանելով զհովուերգութիւն¹⁵ եւ գերգ խորհրդանշային ի կատարելութիւն: Թուի գեղագիտութիւնք մեծարենցեան հովուերգութեան, վարուժանեան հացերգութեան աստի առնուն սկիզբն իւրեանց, վտականան յառուիցն՝ որոց ծաւալացեալ է ի գագաթանց ալիշանեան բարձանց: Այդ ոչ խաւսիմք գերգոյն հայրենասիրութեան, զորոյ յորձանս ի նոր գրականութեան Հայոց ետ Ալիշան իւրով բխմամբ:

Ոչ է յանկարծադէպ գիւտ ծանաւթ ելեւիջի իրիմն¹⁶ կամ հիւսուածոյ իրիք ի բանատողս Ալիշանի, զորս յետագայ բանաստեղծի ուրումն արարեալ է: Տիպ ասացելոյն է քերթուածն խորագրեալ «Առ ժամանակ», որ է պայծառ ցոլացումն իմաստափրական քնարերգութեան, թուի սահմանմամբ եւ յղացմամբն իւրով պարզորոշ կերպիւ յիշեցուցանէ զբանաստեղծութիւն¹⁷ Համոյի Սահեանց, որ յորդոր կարդայր առ ժամանակ՝ առնուլ զինքըն ի թեւս եւ տանել ընդ իւր, այդ եւ ի խորս միանդամայն բացայատէ զհարագատութիւն ժամանակազգացական եւ իմաս-

11 Ստեղծաբանութիւն՝ բանաստեղծութիւն, ստեղծագործութիւն:

12 «Երգովք հանգրուանաց»՝ կանխագոյն շար բերքուածոց Ալիշանի, յաւրին նեալ ի քուին 1840:

13 «Նոր տաղեր», Մ. Մեծարենց, 1907:

14 «Հացին երգը», Դ. Վարուժան, 1921:

15 Հովուերգութիւն՝ յուն. εἰδύλλιον, լատ. idyllium:

16 Իրիմն՝ է վերստին կանգնեալ ձեւ սեռական հոլովի դերանուանն «իմն», ի գործ ածեալ ընդ ձեւոյն «իրիք»: Տե՛ս ԱՃԱՌԵՍԱՆ ՀՐԱԶԵՍՅ, «Լիակատար բերականութիւն Հայոց լեզուի», հատոր 2, Երևան 1954, 410:

17 Ակնարկնեմ զերբուածոյ «Տար ինձ ժամանակ»:

տասիրական ընդ Ալիշան եւ ընդ Յովհաննէս Թումանեանց՝ որոյ ըմբռնեալ է զհոգի մարդկային որպէս զգոյ անմահ եւ յարակայ ընդ մեծի հոգւոյն տիեզերաց ի հոսանս հազարամաց¹⁸: Արդ բերեմ զչորս տողս եւեթ.

...Տամանակ, ի յաւիտեանն տա՛ր զիս.
Երբամ խաղամ ընդ անսպաս ընդ աղիս.
Եւ մինչ մաշողդ հանուրց մաշիս եւ դու անդ՝
Սիրտս այս կեցցէ՛ անմաշ, անմահ, անվկանդ¹⁹:

«Առ ժամանակ» (1853)

Եւ իբրեւ Վարուժան ի սափորի իւրում²⁰ յինքնաբուխն աղբերէ Ալիշանի բերելոց է զշիթս «հրածորան երակաց» արեւու²¹, Թումանեանց բերցէ ընդ իւր զոգեղին եւ զըմբռնելի երակս բըխմանն այնորիկ²²: Զերկոսին բանաստեղծս մարթեմք ի տողս Ալիշանի ճանաչել.

Յիշեա՛ զի մի սիրտ է ֆեզ,
եւ ստեղծողիդ զայն պարտիս,
Սափոր սիրոյ հրածորան,
կարկա՛ն հաստշին զոր ունիս²³:

**Եւ կշռոյթ վեհագունից գործոց Յովհաննու Թումանեանց,
յորպիսեաց է բանաստեղծութիւն «Հայրենիքիս հետ», եւ մեղեղի**

18 Վասն քառեկի Յովհաննու Թումանեանց «Հազար տարով, հազար դարով»:

19 Անվկանդ՝ անվնաս, անխորտակ:

20 ԴԱՆԻԵԼ ՎԱՐՈՒԺԱՆ, Գողգոռպայի ծաղիկներ, «Լոյսը»:
Սիրտըս սափորն է դաստարկ,

Ու ես կերպամ դէպի աղբե՛ւրը լոյսին

21 ԴԱՆԻԵԼ ՎԱՐՈՒԺԱՆ, Հացին երգը, «Հերկեր»:

...Սրեւն արդէն կը հոսէ իր երակներն հրածորան

Ակաւաներուն նորարաց արգանդին մէջ հոտեւան:

22 ՅՈՎՀԱՆՆԵՍ ԹՈՒՄԱՆԵԱՆ, Երկերի ժողովածու, հատոր Ա., Երեւան 1988, 104:

Եւ այդ սիրոտը ֆեզ չի տուած

Որ դու մաշես ամեն ալր,

Այնտեղ պիսի ապրի աստուած,

Ոչ թէ ցաւեր նորանոր:

23 ՂԵՒՈՆԴ ԱԼԻՇԱՆ, Նուազք, հատոր Բ., Վենետիկ 1857, 131: «Սիրտ
սուրք եւ հոգի խոնարհ» (1850):

Եւ նշաւակ նոցին անդէն իսկ ոչ սոսկ երեւոյթք են արծարծման կայծից թափելոց ի սրտէ Ալիշանի, այդ եւ են կատարեալ երեւակումն յետագայ բիւրեղացման կերպից բանահիւսման նորին։ Զասացեալս զայս հաստատեսցեն տողք ընտրեալք ի քերթուածոյն «Պատասխանի առ վերոնդ» (յորում տարերաց ստորին հայերէնի սպրդեալ է), որոյ կառուցեալ է նովին կշռութիւ եւ ոտիւք եւ զգեցեալ է զնոյն հանդիսաւոր եղանակ նիւթոյ, որովք թումանեանց զկնի վաթսունից ամաց ստեղծցէ գտեսիլ ապայից հայրէնեաց՝ յուսացեալ, զի նա լինելոց է երկիրն՝ յոր տենչասցին հոգիքն «լուսապայծառ», եւ փառք որոյ երգեսցի միայն անեղծ շրթամբք եւեթ։

Եւ ո՞ւր ուսար անէծք²⁴ կարդալ եւ աւրինութիւն պահանջել, ...Զկայծն ի մոխրի հեղանուցանել եւ ջերմութեան ակն ունել... Ապողոնեան կապարն ի յուս՝ մանկունք վերոնդք աղեղանց, Երգեցէ՝²⁵ երգ դիւցազնեայ, երգ հայրենի, երգ գորով։ Եւ թէ Եերկուու երածշտաց յոնցին ստեղունք հնգածդի... Տատանեսցին հայկեան բամբունք ի սոյլ²⁶ հողմոյ հայրենոյ. Յազդման այսին զերդ վարդամատն յարշալուսոյն շլարշից՝ Աստեղաչկունք եւ հրագիսակք հոսեսցին հոյլք²⁶ Հայկազնեայց... ...Անդ հուալ ի վայրն անմեղութեան՝ անմեղ դիմակք տարփալիք Յեղեմածին ծաղկանց պսակ ձնեց եւ ի ինքեանց հիւսեսցեն։ Ո՞հ, զդրախտին եւ զերերին առջի՛ք նաշակ անդ ի Հայս։ Անդ յայն երկիր նախնի մարդկան, յերկիր վեհից եւ սրբոց...»

Եւ թէ թումանեանց կենաւք իւրովք, բազմաղի քնարերգութեամբ իւրով եւ բերմամբն պատմական առարկայական պարագայից արդարեւ վաստակեալ է զկոչումն բանաստեղծի ամենայն Հայոց, ապա ստեղծաբանական լայնածիլ պարագրութեամբ իւրով եւ նա՛ եւ դասական լեզուաւ հանուրց Հայոց Ալիշան իսկ է իրաւ բանաստեղծ ամենայն Հայոց։ Ալիշան էր խտացուցիչ ամենայն գրական սեռից, ոճոց եւ արդէն իսկ սկզբնաւորէր զնոր գրականութիւն Հայոց, որ ի ձեռն լեզուի դասականի մնայր կուռ եւ միասնական՝ զերծ յարեւմտից եւ յարեւելից տեղորշչացն յաշնարհագրական բաժանարարաց։

24 Պարտէր ածել ի գործ զիայցականն բառի «անէծք», այդ ոչ սրբագրեցի։

25 Ի բնաւրինակի՝ «սոյլ»։

26 Ի բնաւրինակի՝ «հոյլք»։

ԼԵԶՈՒ Է ՀԱՄԱԼԻՒՐ ԳՈՐԾԵՍ.8 ԳՐԱԿԱՆՈՒԹԵԱՆ

Նշաւակ իմոյս զեկուցմանս այսորիկ է արուեստ քերթութեան Ալիշանի ի գրաբար քերթուածս, ուստի՝ նիւթք տեսութեան իմոյ իցեն իւրակերտ դարձուածք, արուեստ բառաստեղծութեան, ճաշակ բառընտրութեան, ճարտարութիւն ոճոյ, հնարք պատկերակերտութեան, զորս յատկապէս դասական լեզուի ընձեռեալ է Ալիշանի, եւ թէ եւ ոճ բխէ ի մարդոյ, այնու հանդերձ կախեալ է ի լրակազմէ²⁷ գործեացն այնոցիկ, զորս ի կիր արկանէ քերթող՝ առ ի կերպարանել զմիտս եւ զգաղափարս իւր: Ի միջի այդոց Ալիշան նոյն իսկ է բացառիկ քերթողն, որոյ քնարերգութիւն իցէ ինսդրեալ առարկայն իսկ միջդիտակարգային հետազաւտութեան՝ լեզուաբանական եւ գրականագիտական միանգամայն, զի զհնարաւորութիւն ընդհեռէ²⁸ զառարկայական բաղդատութեան զուգաց ստեղծաբանութեանց եւ լեզուամտածողութեանց միոյ եւ նորին անձին, ուստի եւ զառիթ տայ բացայայտել զառաւելութիւնն եւ զթերիսն լրակազմաց երկոցունց լեզուաց՝ դասականի եւ առժամայն գրականացելոյն. սա իցէ մի ի նիւթոց քննութեան իմոյ, զոր արարից ի տեսանելի ապայի: Հիմն քնարերգութեան է կատարելութիւն առանձնական յատկութեանց լեզուի, որք չնորհեն զբարեհնչութիւն, զկշոյիթ, զպատկերալից հնչիմաստ բանատողի: Վասն որոյ դասական լեզու է անկապտելի պարագայ եւ էական յատկանիշ առարկայի քննութեանս այսորիկ:

Զի չէ հնար միով զեկուցմամբ ամփոփել զարուեստ քերթութեան, կամ ցուցանել զահմանս զեղարուեստի եւ զկշութիւն բանարուեստի քերթողի, եւ զի չէ հարկ քննել զծով համայն՝ ի ճանաչել զբնութիւն եւ զտարերաբանութիւն նորին, զերաբերեմ այսր զոչ լիացուցիչ շար էական եւ բնորոշ յատկութեանց ալիշանեան քնարի, զոր իմ նկատեալ է ի սուղ միջոցի քննութեան, ջանայցեմ սակաւուք քերթուածովք զատուցեալ ընտրութեամբ բացայայտել զիունչ սոսկ արժանեաց քնարերգութեան Ալիշանի: Թէ եւ ի գրականագիտութեան Հայոց խանդի վառմամբ եւ նախանձայուզութեամբ խորագոյնս քննութեան առեալ է զշար երգոց Նահապետի, եւ ապաքէն պարագայք սորին պարզ եւ իմանալի են, այնու հանդերձ Ալիշանի աւանդեալ է զժառանգութիւն ազգային քերթողութեան առաւել ուշագրաւ,

27 Լրակազմ՝ լատ. complecti:

28 Ընդհեռել՝ նախնի ձեւ բառիս «ընձեռել»:

քան գերգս Նահապետի, զորոյ զխորագոյն ուսումնասիրութիւն իւր ի դէպ է եւ անկ է ծաւալել: Յարդարութիւն պարտիմք ասել, զի զրականագիտաց ոչ է ամենեւին անտես արարեալ զդրաբար բանաստեղծութիւն Ալիշանի: Սակայն չեն այնոքիկ պատշաճ տեսութիւնք արուեստի Ալիշանի, այդ առաւելապէս փութանցիկ պատողական նկարագրութիւնք են բանաստեղծութեանց ըստ բովանդակութեան, որպէս են աշխատութիւնք Արսենայ Տէրտէրեանց, Սուրենի Շահկեանց, Եղուարդայ Ջրբաշեանց:

Արշակ Զօպանեանց արուեստագիտական եւ արուեստաբանական հայեցիւք դիտէ զարուեստ Ալիշանի եւ իրաւ զծմարդիտ բնութագիր տայ քնարերգութեան նորին, զի զկուտումն պաշտէ հարուստ եւ մեծաշուրինդ բառից, զելեւելմն շառաչաձայն տողից զմիմեամբք թաւալող աղեաց հանգունակ, կարի սիրէ զպատկերաց շեղջշեղումն՝ թող թէ խառնափնթոր դիզացող²⁹: Յաճախ ի կիր արկանէ զնմանաձայնութիւն, զտառից կրկնութիւն, զբառախաղս ստէպ գործածէ: Եւ են քերթուածք Ալիշանի, որոց լծորդք³⁰ չիք ի գրականութեան հայոց, անդ գերագոյն բանաստեղծութիւն ամբառնայ, յորում մտածումն եւ ձեւ զուգաչափ ազնիւք են, բարձունք եւ հզաւըք, որք լսելի առնեն զշեշտ երրայեցի մարդարէիցն³¹: Այդ եւ ինտրա սեղմ, սակայն տիպական արժեւորմամբ հաւաստէ, զի զգայնութիւն եւ աւիւն Ալիշանի առաւել մեծատարած են, քան զայդոյ քերթողի, եւ զի լեզուի նորին է անաւրինակ ճոխութիւն լեզուին թագրատունոյ, եւ է ինքնին բիւրիմաստ, բիւրաշունչ, բիւրապատկեր, եւ զի լեզու ճոխագոյն՝ է միջոց անբաւ բազմակերպութեանց առ ի յայտ բերել զիսանդաղատանս նորին: Բառք նորա պատկերալիցք են եւ մեծավայելուչք: Այդ չափք, զորս նորա ի կիր արկեալ են, նոր են ի մատենագրութեան Հայոց, սակաւք ի նոցանէ անձնականք եւ գեղեցիկք (5-7, 4-4-9): Ինտրա ստէպ առաւել ճաշակաւոր բանաստեղծ վարկանի զԱլիշան, քան զնարեկացի³²:

29 Դիզացող՝ որ ի դեպ փոխի, անորոշ՝ դիզանամ:

30 Լծորդ՝ համազաւը, համարժանք:

31 ԶՈՊԱՆԵԱՆ ԱՐԾ., Դէմքեր. Ղ. Ալիշան, ի Անահիտ, Փարիզ 1902, թիւ 4, 69-80: <https://arar.sci.am/dlibra/publication/12761/edition/11328/content>

32 ԻՆՑՐԱ, Գրական դէմքեր, Ղեւոնդ Ալիշան, Հովիթ ճայնը, հատոր Բ., Երևան 2014, 144-147:

Պարտիմք հակառակ կալ կարծեացն այնոցիկ³³, որք միաբան պնդեն, զի գլխաւորագոյն խոչընդուռք յառաջադիմութեան եւ զարգացման գրականութեան Հայոց էին լեզու դասական, զոր կոչեմք «գրաբար», եւ դասականութիւն, որ յայդոց կոչի classicism, եւ թէ գրականութիւն ազատագրեցաւ ոչ եւ եթ եղծանելով զկարծրացեալ կապանսն դասականութեան եւ ընտրելով զնոր անձինս եւ զնիւթս արդեան, այդ եւ արարեալ զնոյն յատկապէս եւ բացառապէս աշխարհաբարաւ: Համոզումն իմ է, զի ոչ եւ եթ հնար էր, այդ եւ պարտ իսկ էր նովին դասական լեզուաւ ստեղծանել զգրականութիւն ամենեւին նոր, որ արդեան նիւթով իւրով, դիպաց ուշագրաւ շարով, յասպարէզ ածեալ զանձինս նոր՝ մարթէր գրաւել զսիրտս եւ զուշս նորոյ սերնդեան: Շատ էր գըրականութեան նիւթոյ փոփոխումն սոսկ, զի լեզու ազգային հանապազ յինքեան ունի զկար առ ի ցուցանել զինքն յամենայն ձեւս, յարտայայտութիւնս եւ ի կայս իրաց: Ալիշան ինքն եղծանէ զկարծրատիպն զայն գրաբարագիր քերթուածովք իւրովք, որք ոչ եւ եթ բերին զնոր չնշառութիւն ի գրական անդաստան Հայոց, այդ եւ եղեն աղբեւր ոգեշնչութեան գալեաց սերնդոց բանաստեղծաց: Քերթուածք Ալիշանի իսկ ցուցին, զի գրաբար՝ է զաւրաւոր գրական լեզու կենդանի առ ի ցոլացուցանել զշունչ ժամանակի, բացայատել զվիպարդաւան մտածողութիւն քերթողի եւ զուազմաշունչ ոգի նորին: Եւ գրաբար բանաստեղծութիւնք միահաղոյն հաստատեն, զի ինքեանք ոչ եւ եթ զիջանեն աշխարհաբար քերթուածոց ըստ ծաւալի ըմբռնման, այդ եւ գեր ի վերոյ աշխարհաբար բանաստեղծութեանց շողան ինքեանք ներունակ ազատութեամբ իւրեանց:

«Բամ փորոտան» բառիւքն առաջնովք յայտնի քերթուածն («Երգ ու գնացք զաւրացն Հայոց ընել Վահանայ Մամիկոնենոյ»), որոյ նա' եւ փոխեալ է յերգ սիրելի ժողովրդեան, խորհրդով եւ ձեւով իւրով է քաջ ցուցիչ այնր ճշմարտութեան: Քերթուածն աւրինակաւ բարձրագոյն ռազմարուեստի Հայոց՝ պարտէր ոգեշնչել սերնդոց Հայոց եւ կոչել ի գէն վասն ազատագրութեան հայրենեաց, եւ մտաց յղացք Ալիշանի յընթացս շարագրութեան ռազ-

33 ԹԱՆԱՆԵԱՆ Գ., Ղեւոնդ Ալիշանի փիլիսոփայական եւ մանկավարժական հայեացքները, ի Լրաբեր հասարակական գիտուրիւմների, 2011, թիւ 3, 145-146: ԶՐԱԾԵԱՆ ԵԴՐ., Ղեւոնդ Ալիշանի «Երգք նահապետի» բանաստեղծական շարքը եւ նրա գեղարուեստական միասնուրիւմը, ի Բամբեր Երեւանի համալսարանի, Երեւան 1982, թիւ Բ (Խէ), 24 եւ այդք:

մաշունչ երգոյն գծանկարչաւրէն կերպարանեն զյառաջամուխ երթ զաւրացն վահանայ, զի Ալիշան ոչ եւ եթ բառիւք, տողիւք, կոչմամբք զընթերցողս հաղորդ առնէ երթի եւ գնացից քաջաց, այդ եւ կենդանագրէ զշար եւ գկարգաւորութիւն զաւրաց եւ զկերպ ընթացից նոցին, գոգցես Ալիշան արտաքնայարդար ձեւաւորմամբն քերթուածոյ եւս երեւակայութեան ընթերցողաց միահաղոյն տայ զկենդանի պատկեր ռազմերթի, զմտառելի մարտավարական քարտէզ: Զի վանդից³⁴ եւ ոտից կրճատումն յիւրաքանչիւր յաջորդի տողի՝ կառուցանէ զեռանկիւնաձեւ դասաւորութիւն զաւրաց իթեւոց ընդ հուպ ի կիզակէտն յառաջամուխ: Շնորհիւ հետ զհետէ կրճատման բանատողից լսելի է որպէս գնացեալ երագանան քայլք՝ սկսեալ ի վեշտասանաց քայլից քքառատրոփիւն: Այդ որպիսի՝ հմտութեամբ ընդ տողս ընտիր բառիւք հնչեցուցանէ զհամազարկ դոփիւնս գնացից, եւ որպէս ստաղաչափական բազմակերպութեամբ եւ չեշտիւք գոյանայ ուրոյն կշոյթ բանաստեղծութեան, որ վերածէ զքերթուած ի ռազմերդ ինքնաւրինակ համայն քնարերգութեան Հայոց, այդ եւ ի խորոց հազարամեկաց վերստին կանգնէ զուազմապար ինչ ի տարածութեան բանի: Եւ իմանալի է, զի լեզու դասական իսկ զամենայն հնարս շնորհէ: Եւ յստակ է, զի Ալիշան զշեշտ դնէ նաեւ ի վերայ ձեւոյն բանաստեղծութեան, որոյ ոչ երբեք պարտ է դառնալ նպատակ ինքեան, եւ ցայն վայր ընդունելի է մինչ տակաւին ծառայէ բովանդակութեան:

Այո՛, զջանս եւ զճգունս պահանջէր ուսուցումն դասական լեզուի, եթէ նովին պարտ էր ստեղծանել զնոր գրականութիւն՝ ազատ ի շղթայից մտածողութեան նախնեաց դարուց: Եւ, ապաքէն, լեզու գրական, գիտական, կրթական, քաղաքակրթական հանապազ պահանջէ զջանս: Աղետալի եղեւ պնդումն, թէ գրաբար անիմանալի էր ժողովրեան, այսու պնդմամբ իսկ կառուցինն զպատճէ ամրակուռ ընդ ժողովուրդ եւ ընդ լեզու իւր ազգային: Այսաւը արցախցի, կումայրեցի աշակերտք, իբրեւ զուսումն լեզուի Հայոց սկսանին, ստիպին մեծամեծ խոչընդուսս յաղթահարել, քան զոր առնելոց էին աշակերտք առ յուսանել զգրաբար յժմ: դարուն: ի սկզբանէ ուսուցումն աշխարհաբարի եւս պահանջէր յաշակերտաց զյաղթահարումն կրկնոց պատնիշից, նախ՝ հարդ էր ուսանել գրել որպէս խաւսէինն, ապա՝ պարտէին խաւսել որպէս գրէինն, քան զի կանոնարկեալ եւ գրականացեալ լե-

34 Վանգ՝ նախնի ստոյգ ձեւ բառի «վանկ»:

զու չեր ամենեւին բարբառն այն, որով զմիտս եւ զգաղափարս իւրեանց յայտնէին միմեանց:

Արդարեւ այժմ զաշխարհաբար քերթուածս Ալիշանի աշակերտք ընթեռնուն նոյնչափ գժուարութեամբ, որչափ զգրաբար քնարերգութիւն նորին, այդ եւ ստէպ գրականագէտք իսկ ոչ դիւրաւ տարորոշեն զգրաբար բանաստեղծութիւն Ալիշանի յաշխարհաբարենէ³⁵: Արդեւք սոսկ ի պատմութեան գրականութեան է հանգրուան քնարերգութեան Ալիշանի, թէ՞ պարտիմք առարկայաբար ծանուցանել աշակերտաց զստեղծաբանութիւն նորա եւ ոչ թուուցիկ կերպիւ եւ եթ անծանս³⁶ խաւսել վասն մեծութեան Ալիշանի: Զէ տարակոյս ինչ, զի մեծազաւրք եւ անպարագրելիք են գործք Ալիշանի, այդ հարցումն յառաջանայ վասն ո՞յց իցեն մեծարժանք: Արդեւք վասն գրականագիտաց եւ եթ: Մտիպիմք ընդունել, զի ստեղծագործութիւն Ալիշանի յայսմ աւուր եւ այսմ պատանութեան չուայ ինչ, եւ որչափ այդ սիրու հայրենանուէր անդ բարախէ, եւ որչափ այդ գաղափարք նորին անհրաժեշտք իցեն եւ աստանաւր, նոքա անհաղորդ են աշակերտաց եւ երիտասարդաց, վասն զի մեծաւ մասսամբ եւ մեծաւ գեղարուեստական կշռով իւրեանց են ծնունդ դասական լեզուին:

Եւ է եւս ճշմարտութիւն, զի չիցէ հնար անաղաւաղ փոխադրել զգրաբար քերթուածս Ալիշանի յաշխարհաբար: Անդ ոչ այնչափ քերականութիւն դասական լեզուի է իրթին, որչափ բառք եւ դարձուածք Հայոց առթեն գերեւոյթ խրթնութեան՝ յո-

35 Ի յաւդուածոյ միում Եդ. Ջրբաշեանց խաւսի զանստորագիր բանաստեղծութենէլ: Խպագրեալ ի «Բազմավիպ»ի թուին 1849 «Նահապետն ի Մասեաց շումն է լնել» խորագրով, եւ թիւրապէս վարկանի, զի գրաբարագիր ֆերբուած է այն, եւ թէ նոյն հեշէ որպէս արձագանգ յառաջադրյան քաատապեալ ֆերբուածոյ ի նմին հանդիսի՝ «Մասիսու սարեր», ընդ որով արդէն իցէ ձեռն նորահնար նահապետի: Այդ լեզու ֆերբուածոյն այնորիկ էր միշինհայերենազգեաց աշխարհաբար՝ ի խորագրէ իսկ սկսեալ ցանւս ֆերականական՝ «աչերոյս», «սարեր», «որուն», ցշաղկապս միջին հայերենի՝ «զէտ», «քանց», ցռամկաւրէն բառն «ջուխտակ»: <https://arar.sci.am/dlibra/publication/3421/edition/2911/content>

ՋՐԱԾԵԱՆ ԵԴ., Ղեւոնդ Ալիշանի «Երգք նահապետի» բանաստեղծակամ շարքը եւ ձրա գեղարուեստակամ միասնուրիւթը, ի Բամբեր Երեւանի համալսարամի, Երեւան 1982, թիւ Բ (Խէ), 33-34: http://ysu.am/files/03Ed_Jrbashyan.pdf

36 Ա.ԾՃԱԹԻ մակրայ՝ անձանաւրաբար, յածականին «անծան» (հեղինակային):

ըոց գեղչեաց յինքենէ աշխարհաբար՝ գոհացեալ աղքատ նշանիւք ստորնովք: Մինչ դեռ բառք Ալիշանի միանդամայն են եւ պարտին լինել նշանք ամենայն կայից լեզուի Հայոց, եւ ի դէպ է զընտրեալ փունջ գրաբար քերթուածոց Ալիշանի ամփոփել ի դասագիրս գրականութեան՝ ի սեպհականութիւն նորոյ սերնդեան եւ ի ճոխացումն արդեան լեզուի Հայոց: Եւ թէպէտ ինձէն եւս իմ փորձս ինչ արկեալ է սակաւ ինչ ի քերթուածոց նորա յաշխարհաբար փոխադրել, այդ հաւաստեմ, զի չէ հնար անկորուստ թարգմանել զմեծ մասն քերթուածոց նորա, եւ չէ իսկ պարտ, զի թարգմանեալ մարթեմք ըմբռնել զիմաստս լոկ, մինչ հնչումն բառից աղդ առնէ զառաւելն, քան զիմաստսն, որք եւ եթ են նոցին, եւ թարգմանաբար յակամմայս փլուզցի դաշնահունչ, ձեռակերտ յաւրինուածն այն՝ ինքնատիպ կշռութեամբն շարամանեալ: Վասն որոյ համարեմ, զի առ այս ժամ շատ է սոսկ ընդ տողիւք քերթուածոց պատշաճաւրէն ծանուցանել զնշանակութենէ բառից եւեթ՝ առ ի գարձուցանել զնոսս ի միտս եւ ոչ յաւիտեանս համրացուցանել զնոսս ընդ բառիւք եւ ընդ նախադասութեամբք արդեան լեզուի: Զատուցեալ տողքս՝ ի վկայութիւն ասացելոյա.

Զի՞նչ իցեն կեանք մարդոյ յովտիս³⁷ անձկութեան...
Առասպե՛լ յաւուրց նախնեաց առարկեալ,
Եղծանելով առեղծանէ եւ ոչ ոք...
...Յաւդ յայգական անդիմակաց արեւու...
...Նետ, որ զերծումն աղեղանէն խնդրէ յար
Եւ զերծանի եւ չդառնայ յաւիտեան...³⁸

Լեզու դասական ինքնին է հաստիչ, ապա եւ բացայայտիչ սեպհական ծածկագրութեանց: Եւ իբրեւ մոռանամք զհոյակերտ բառս եւ զմանուածս բանի եւ ստիպիմք հատուցանել նոցա պարզունակագոյն բառիւք իմանահեաւք եւ շարագրեալ մեկնութեամբք, աւգտապաշտաբար զրկեմք ի ճոխից զարդուց մտածականաց զբան մեր եւ զմիտ մեր մերկացուցանեմք ի ծաւալական զարդուց խորհրդոց: Եթէ բառն «առասպել» ոչ եւս յայտաբերէ զիմաստս «հանելուկ» եւ «առեղծուած», կամ «եղծանել» այժմ բառ է անիմանալի եւ ոչ ամփոփէ զիմաստս «քանալ, քակել», թէ «առեղծանել» ոչ այդ եւս ըմբռնի որպէս «լուծանել», կամ թէ հո-

³⁷ Յովտ՝ փոքրագոյն ի նշանագիրս երբայերէնի, նշանախնց, գիր, տառ, կէտ, նիշ:

³⁸ Ղեի՛րնդ ԱԼԻՇԱՆ, նուագէ, հատոր Բ., Վենետիկ 1857, 98: «Կեանք», 1841:

ծեալ բառն «անդիմակաց» ոչ եւս ցուցանէ զգեղջումն որակի ունակութեան դիմադիր լինելոյ իմեմն³⁹, որպէ՞ս մարթի թարգմանել զերթուածն «Կիւննի», որոյ պատկերք հիւսին բառիւքս այսոքիւք, նոքա են անզեղչելի խորհրդագարդք եւ լսելի հիւսուածք քերթողութեան Ալիշանի:

«ԱՌԵԱԼ ԶՈԳԵՆԿԱՐ ՓԵՏՈՒՐՆ»

Ապաքէն, առհաւատչեայ յարակայութեան գործոց Ալիշանի, որպէս եւ ամենայն քերթողի, են տարերք գեղագիտութեան նորա, որք բացայատեն զինքնատիպ եւ զիսկատիպ երեւոյթս գրականութեան Հայոց: Արուեստ քերթութեան՝ է ըմբռնումն լայնածիր եւ բազմաշերտ, եւ շատ է աստ քննութիւնն իւրայատկութեանց եւ ինքնատիպ տարերց սակաւուց քերթուածոց Ալիշանի: Եւ չէ անդէպ երկրորդել, զի առաջին իւրայատկութիւն եւ ինքնատպութիւն բանաստեղծութեան նորին՝ է լեզու դասական, որ հանդերձ իսկ խրժնութեամբ իւիք կենդանի եւ քաղցրահունչ չողայ ընդ վետրով բանաստեղծի եւ մարթի յայտաբերել զինքեամբ ծածկագրեալ զիմաստու: Լեզուս այս գեր ի վեր եւ գեր ի խոր է, քան զիեզու աշխարհաբար երկոց, նա սնանի հիւթով ոսկեդարու եւ դարուցն այնոցիկ, որք զինի ոսկեդարու գային՝ շնորհեալ բանաստեղծութեան ազգայնոյ զթուիչս ի քերթութեան: Լեզուս այս ստէպ բերէ զերեւոյթ «Իրաքափ»⁴⁰ լեզուի նարեկացւոյ, Ալիշան ի գործ ածէ զինքնագոյ բառս հայոց, որպէս եւ ստեղծանէ զբառս աննախագոյս, հայկագեան բառիւք արկանէ զփորձս, վերստին դարձուցանէ բառից զմթագնեալ կամ զանտես առեալ զիմաստու: Հիւսումն եւ շարադրումն կապակցութեանց եւ նախաղասութեանց, ընտրութիւն դաշնահունչ բառից ստեղծանեն զպատկերս մտաց զանմուանալիս, որք ստէպ փոխեն զերկն ի կտաւ, յերգ, յանդրի մարմարիոնեայ: Բառիւն ալիշանեան իսկ ասացեալ՝ «ոգենելար» է փետուր նորա: «Ոգենելար» չէ բառն Նարեկացւոյն «հոգենելար», որ ցուցանէ «զոր ինչ նկարեալ է հոգի սուրբ»: Ոգի ոչ իցէ նկարիչ յալիշանեան բառի, եւ ի տողի քեր-

39 Խմեմն՝ է վերստին կանգնեալ ձեւ տրական հոլովի դերանուանն «իմն», ի գործ ածեալ ընդ ձեւոյն «իմիք»: Տես «Լիակատար Քերականուրիւն Հայոց լեզուի», հատոր Բ., Երևան 1954, 410:

40 Հրաքափ, ածական բառ, որով Ալիշան բնորոշէ զիեզու նարեկացւոյն ի մատենի «Յուշիկք հայրեմեաց Հայոց»:

թուածոյ բացայալոյի իսկատիպ բնութիւն եւ իմաստ նորին, զի անդ ոգի է առարկայ՝ զոր փետուրն կենդանագրէ կամ վերստին ստեղծանէ: Փետուր է նկարիչ ոգւոյն, որ յայտակերպէ զոգեղէնն, ի բարիս յայսմիկ ոգի կենդանագրի, նա է բնորդ փետրոյ:

Զոգենկար զիմ փետուրս
Առեալ մինեմ սիրտ ի խորս
Զարիւնս մեռեալ տալ ի դուրս
Զոր եղ որսիկն իմ անորս:⁴¹

Յայսմ քառատողիս ճանաչեմք զքերթող, որ վերստին իւրովի կերտէ զծանաւթ թուացեալ բառն եւ ի նմին բառին հաստատէ ոչ եւ եթ զկէտ դիտման իւրոյ ընդ աշխարհ, այդ եւ զգեղաղէտ ակն իւր, նա եւ բացորոշեմք զշարժառիթ եւ զնպատակ բանաստեղծութեան: Այսինքն՝ ի քառատողի տեսանեմք նա եւ զտեսաբանն արուեստի եւ զսահմանս գեղագիտութեան նորին:

Քերթուածն «Ափ յափոյ յորսիկն իմ վերացեալ» յառաջին նուագ տպագրեալ էր ի «Բազմավիպ»ի, այդ չէր նմա ստորագրութիւն, եւ չէր մարթ պարզել զգեռոն քերթողի, թէ զկնի երկոտասանից ամաց ոչն իցէր⁴² տպագրեալ յերկրորդում հատորոյ «Նուագ» Ալիշանի⁴³: Ուստի իմանամք նա եւ, զի զսքանչելի քերթուածս այս քսանեւհինգամեան Ալիշան գրեաց (յամի ՌՊԽԵ - 1845): Քերթուած ի «Բազմավիպի» ունի զհամառաւտ տեղեկութիւն, զոր բանաստեղծ բարձեալ էր ի միջոյ յերկրորդ հատորոյ «Նուագ»: Այդ լուսաբան մեկնութիւն ընդ տողիւք ի հանդիսի ոչ եւ եթ ճշգրտէ զաւր, զամիս եւ զամ յդացման քերթուածոյ, այդ եւ յայտնի առնէ զնշմարիտ առիթ, զպատճառ յդացման նորին եւ է կենդանագրութիւն լուսաթախիծ աւուր անցելոյ: «Լ ԻԲ. աւուր ամսեանն յուլիսի գայ յանկարծ ի պատուհան Քնրդողին դեղանմիկ բռչուն, ի վանդակէ ուստե՛ անշուշտ զերծեալ, եւ ի դերեւս հանեալ զխնդութիւն նորա եւ զյոյս, ազդէ նմա

41 ՂԵՂՈՆԴ ԱԼԻՇԱՆ, Նուագք, հատոր Բ., Վենետիկ 1857, 158: «Ափ յափոյ յորսիկն իմ վրիպեալ», տպագրեալ ի «Բազմավիպ»ի, ի թուին 1845, ընդ խորագրով «Ափ յափոյ յորսիկն իմ վերացեալ», «Բազմավիպ», 1845, թիւ 3, 286-287:

42 Իցէր՝ ձեւ էական բայիս չէ վրիպումն կամ սխալումն, այդ՝ գիտակցաւրեն վերստին կանգնումն յունարան բայաձեւին:

43 Վասն անստորագիր Քերթուածոց ի «Բազմավիպ»ի գրէ Սուրէն Շտիկեան: Պատմաբանասիրական հանդէս, 1978, թիւ 2: <http://kalantarian.org/shtikyan/work/Hod%201978-2.pdf>

անդեմ զողբս զայս»⁴⁴: *Մարթի ասել՝ քերթուածս այս է գունագեղ լրսանկար՝ որսացեալ ի սրտաշարժ դիպուածոյ, որ էանց փութանակի, եւ մարթ էր նմա սուրալ ի գիրկն մոռացման, թէ չիցին ակն, ունկն եւ ներըմբոնումն նրբազգեաց արուեստագիտի:* Եւ ինքնատիպ ոճով Ալիշան որսացեալ էր զայն՝ առ ի հրաշակերտել ի հիացումն եւ ի փորձ սերնդոց: *Ոգենկար փետրով իւրով Ալիշան ընդ անորս թուչնոյն վերացելոյն չնորհէ գրականութեան Հայոց զորսացեալ կենսաթթիու պահ ծփանաց եւ ընդ հարեւր ամս տածէ գեղձանիկն այն գեղագրեալ, որ անդրէն գեղգեղէ ի բանահիւսեալ յաներեւոյթ վանդակի, յորում կեայ եւ կեցցէ յաւիտեան:*

Քերթուածս այս է առաւել, քան զոր ինչ պատմէն: Անդ թաքուցեալ է ծածկագրեալ բանաձեւ գեղարուեստից: Ալիշան ընդ տողիւք ցուցանէ գերիս պայմանս կատարեալ արուեստի, եւ ոչ եւ եթ ցուցանէ, այդ եւ ի կիր արկանէ զնոսա նաեւ յերգոյս յայսմիկ: Առաջին պայման է սքանչելի բնութիւնն, որ է ազդիչ զգացմանց, տուիչ մղմանց առ ի ստեղծաբանել, ուստի շարժառիթ այսր քերթուածոյս է գեղձանիկն, որ է խորհրդանշան համապարփակ, փոխաբերեալ բնութիւնն: Պայման երկրորդ է սիրտն, որ է ընկալուչ ազդից, եւ ծշմարիտ արուեստ իցէ սրտագին բխումն այնը իսկ սքանչացմանն, որ մեռուցանէ զարիւն ի սրտի, գոգցես զայն ի թանաք փոխելով: Եւ պայման երրորդ է անհրաժեշտ լեզու, որ իցէ թարգման եւ կերպաւորիչ սքանչացմանն, եւ որոյ անկ է բխեցուցանել ի սրտէ զքարացեալն ի հրաշատեսութենէ զարիւնն: Եւ յայսմ քերթուածոյ թարգմանն այն՝ է ոգենկար փետուրն, զոր նոյնաէս ետ գեղձանիկն՝ նշանակն բնութեան, որ որպէս շարժառիթն եղեւ, նոյնաէս եւ նիւթն իցէ քերթուածոյն: Արդ յառաջ քան զգուելն ինչ՝ քերթողի անկ է թաթաւել զբնատուր փետուր իւր ի սիրտ իւր՝ յայն կաղամար, թանաք որոյ նոյն բնութիւնն արար, եւ իմանալի է, զի ի սրտէ ծնանի ճշմարիտ բանաստեղծութիւն: Ալիշան քերթուածով իւրով հաւաստէ, զի արուեստ է հրաշալի հնարաւորութիւն, յորում անորս որսիկն իցէ որսացեալ, եւ բանաստեղծ է որսորդ զգացմանց, տպաւորութեանց, պատկերաց: Իսկ որսորդութիւն նորա իցէ ստեղծագործութիւն, ճշմարտագոյն եւ հաւատարմագոյն նկարումն ոգւոյ եւ ոգեղինի:

44 Բազմավեպ, Վենետիկ, 1845, 286: <https://arar.sci.am/dlibra/show-content/publication/1690/edition/1345/>?

Երկս այս է ճշմարիտ գլուխ գործոց մանրանկարչութեան ի տարածութեան գրաւոր բանի, յորում գոն թէ՛ հնչիւնք ծաւիւնք, թէ՛ շարժմունք ազդի ազդի երփանց եւ գունոց, թէ՛ ալերախիւն տարասեռ զգացմանց: Եւ ամենայն ի միասին յորդեն բխմամբն ինքնածին եւ ինքնակայ: Եւ ոչ ինչ անդ ծնանի արուեստական բոնազբաւս կերպիւ: Լեզու բանաստեղծի է կենդանի եւ ախորժալուր՝ որպէս երաժշտութիւն զուարթ եւ ստէպ թախծալից:

Ալիշան ցուցանէ զբարձր արուեստ քերթութեան, եւ ազդմունք յարատեւեն ի մտաց, որոյ ընթերցեալ է զքերթուածն: Ակն մի պատուական է գրականութեան Հայոց, որ ցոլացուցանէ զբացարձակ նոյնութիւն աշխարհաց ի ներքս եւ յարտաքս: Չոր ինչ առնիցես, անդրադարձի առ քեզ, եւ ոչ զկնի, այլ նոյնժամայն: Միտ իսկ վասն որսալոյ ինչ՝ ի վարմ արկանիցէ ածողին զմտաւ: Բանաստեղծութիւնս այս, զոր պատշաճագոյն է կոչել իմաստասիրական-քնարական առակ, կառուցանի հակադրութեամբք եւ անդրադարձիւք, անդ քերթող հմտաւրէն ի ցոյց զնէ զփոխակերպութիւնս հոգեբանականս՝ որպէս դարձս իրաց ի հայելոյն: Հակառպին ընդ միմեանս նախ պատկերք երկու, ի միում յորոց քերթող ի լիճ խորհրդոց խորասոյզ ի խնդիր ելեալ է զիմացական ցաւզահոս մարդարիտ հանել անտի, եւ ի միւսում քերթող յորսորդ փոխեալ դողով սրտի գհետ պնդէ դահլիճամուտ դեղձանկին՝ «յարեալ նապուկ յուն ի մատն»: Յընթացս պատմասացութեան⁴⁵ որսորդ դառնայ յորս որսին, թաշկինակ նորա, որոյ հանդերձեալ էր ի վարմ ունել զհաւն, անդրէն դառնայ ի թակարդ հոգւոյն սեպհականի, եւ ի մեկնել դեղձանկին, որ աւդահար բաղաձայնութիւ⁴⁶ «տայ թեւ թեւթեւ ի թոփչ»՝ սիրտ որսորդի յաւիտեան ի բանդ անկանի: Կրկներեւոյթ կամ ինքնադարձումն միոյ պատկերի կամ գործողութեան ինքնին յինքեան, որպիսիք են անդրադարձք ընդ դիմակաց հայելիս, նկարչաւրէն ստեղծանեն ի բանաստեղծութեան զբանդ դիտելի եւս, յորմէ չիք ազատումն, եւ երեւեցուցանեն զանդրադարձային մտածողութիւն քերթողի, միանդամայն վերածեալ զքերթուած ի նախատիպ յարադարձութեան⁴⁷ յարուեստի, որ, կարծեմ, նոյնպէս

45 Պատմասացութիւն՝ ի լեզու արդեան «պատում» անուանի:

46 Բարձաձայնյը՝ alliteration (լատ.՝ ad (յայտ առնել իմաստ յաւելման, լրման) + littera (տառ) > alliteratio):

47 Ցարադարձութիւն՝ լատ. recursio, հեղինակային նորաբանութիւն, ինքնադարձումն ինքնին յինքեան (նոյնպէս նորաբանութիւն), կրկներեւոյթ,

աննախաղէպ է ի գրականութեան Հայոց: Անդրադարձ ի լեզու լատինացւոց կոչի recursio, որ բառացի նշանակէ «դարձ անդրէն, վերստին դարձ»:

Երկոտն եւթնավանդ տողից սահեալ առ աչաւք՝ ի մտի կենդանագրեն զբանն զրուցից, եւ ստէպ բաղաձայնոյթք ընդ հարեւր ամս զարթուցանեն եւ լսելի առնեն զճայնս այնր աւուր ի սրահի:

Ցոլանք տպաւորագաւանութեան⁴⁸ ակնյայտաւրէն եւ ակնահաճոյ կերպիւ զարդարեն զերթուած եւ զտպազարդութիւն⁴⁹ ազդեն երեւակայութեան: Տպաւորութիւնք քերթողի էին այնչափ թարմ, ուժգնակի եւ հոգեցունց, զի եւ քերթուածն կրէ միանգամայն զթարմութիւն զգացմանց եւ զցնցումն ոգեղէն: Եւ ամենայն համարէն բխէ ի վարպետութենէ եւ յոնց քերթողին: Եւ ոչ վարանիմ համարձակաւրէն անուանել զԱլիշան նահապետ տպաւորագաւանութեան Հայոց, զի էր յառաջ քան զինելն տպաւորապաշտութեան, որ սկիզբն առնու ի գաղղիական գեղանկարչութենէ եւ ի լեզու գաղղիացւոց կոչի impressionism: Զաւդ սրահի եւ զլոյ արեւու, զշարժումն եւ զփոփոխումն աւդոյ եւ լուսոյ այնչափ շքեղարէն վրձնեալ է Ալիշանի, զի չիք կասկած եւ երկմտումն վասն այնորիկ: Պատկեր գեղձանկին, ծաւիւն եւ ծիծաղ նորա, փետրանիստ վրձնահարուածք լուսականք ի պարանոց նորին, տրոփ եւ թրթիռ ընդ աղուափետրովք սոսորդի⁵⁰ իբրեւ «ծաւիւնս որոնայր», թեւահարումն աւդոյն ի թոչելն յետեղէ յետոյ⁵¹, սրտի թպիրտն ակամայ որսորդին, ելեւիջումն զգացմանց, ամենայն պարագրի ամփոփի ի պատշաճաւոր շրջանակի, որ հանգուցանէ զիսրատ վերջաբանի ընդ նախաբանի խորհրդոյն: Գեղագէտ բանաստեղծն իւրայատուկ թեթեւասահ զրուցատրութեամբ ակնարկելի եւ շաւշափելի առնէն նաեւ զմտածումնս, եւ ի պատկերի մտաց ընթերցողի զըրջանակս զայս զարդարէ արդեամբ խորասուզմանց իւրոց՝ գիւտիւ մտաց, որ ի շարադրման գեղագիտաւրէն փոխաբերի փոխակերպի յիր ակնահաճոյ՝ ի մարգարիտ ազնուագոյն հանեալ ընդ Հորմու⁵²:

48 Տպաւորագաւանութիւն՝ տպաւորապաշտութիւն, գաղղ. impressionism:

49 Տպագրդութիւն՝ տիպ զարդարում, շնեղ տպաւորութիւն:

50 Սոսորդ՝ կոկորդ, շնչափող:

51 Յետեղէ յետոյ՝ ի վայրէ ի վայր: Ետոյ՝ է հնագոյն ձեւ բառիս «տեղի», սեռական նորին էր «ետեղ»: Վասն այսորիկ տե՛ս Հր. ԱՃԱՒԵՍԱՆ, Արմատական բառարան, հատոր Դ, 393:

52 Հորմու՝ ներուց ի ծոցոյն Պարսից, անուամբ նովին է կողի: Զմարգարտ և Հորմոսի խաւսի եւ Մեսրոպ Թաղիադեանց ի մատենի «Պատմութիւն

Ես նատէի ի դահլիճ
ի խորհրդոց սահեալ լիճ,
Եւ կամենայց⁵³ զինեւ շուրջ
Պար յաւելոյր իմաստ լուրջ,
Եւ ես հածեալ խորասոյզ
Մինչ զմտաց քամել հոյզ,
Թուէի հանել ընդ Հորմու
Զինց մարգարիտ ցաւղահոս⁵⁴:

Քնար Ալիշանի ունի զաղիս տարահունչս եւ ազգի ազդի
կերպս քերթուածահիւսման: Անդ շար քերթուածոց խորագրեալ
«Երգի հանգրուանաց»՝ է զմայղելի հովուերգութիւն քաղցրանուագ,
յորում համաւրէն դաշն ներհիւսին տեսարանք բնութեան, լերինք,
դաշտք, դառինք եւ եզունք, մանուկ տուարած, հիւղ հովուական,
երեւոյթք լուսականք եւ պայծառք, երեւակեալք վետ վետ հա-
րուածովք գուարթաշունչ վրձնի, որ Ալիշանի եւ եթ առանձնաշ-
նորհեալ է: Ի տեսարանի ելից արեւու՝ շողիւք արեգական որպէս
առիջիւք⁵⁵ Ալիշան արկանէ զգորդ հայկական՝ նոնենի եւ շիկա-
կարմիր գունովք, արեւելեան կամարովք, անդ հըընկէց է շուրթն
լերին, ծաղկածինք՝ կողք լերին, որոց արբեալ է զլոյսն կենսա-
տուր եւ զիսանձ առեալ ի բոցոյն: Այդ թէ եւ քերթուածս այս
«Ելք արեւու» զարդարուեստիւ իւրով զգունավառ եւ զգեղահիւ-
սեալ տիպ գորգոյ բերէ մտապատկերաց ընթերցողի, միանգա-
մայն մատուցանէ եւ գտեսարան յարաշարք եւ յարափոխ, որոյ չէ
արձանացեալ ի պահու անցելոյ, այդ է «հրաքափ» բանահիւսումն
ճեպսաահ վայրկենից յարասլաց ներկայի: Զի անդ ճաւճուն են
կամարքն արեւելից, որք տատանին փողփողենէջ, առէջք շուրջ
առնեն պար, երերան շամանդաղք, հետ զհետէ բոլորի ջահ շիկա-
կարմիր, «քածակ ծաղկանց զցաւո նրբին ժամէ ի շունչ զովարաք»: Եւ
բանաստեղծական իրածման ինքնաւրինակ կերպիւ Ալիշան ի մի-
ում եւ ի նմին պատկերի ոչ եթէ միաձուղէ համազրէ, այդ նոյ-

հիմ Հնդկաստանի» (1841), «... մարգարիտ ազնիւ յոյժ, թէպէտ սառորին
քան նորմոսին Պարսկային ծոցոյ»: Դիւան Մեսրոպ Դ. Թաղիադեան, Երե-
ւան 1993, 527:

53 Կամենայց⁵⁶ մուսայք:

54 Ղեւոնդ ԱԼԻՇԱՆ, նուագք, Բ., Վեմետիկ 1857, 158: http://greenstone.flib.sci.am/gsdl/collect/haygirq/book/nuaggB_1857_index.html

55 Առէջք՝ երկայնական թելք յարմարեալք առ յանկանել զգորդ: Լայնական
թելք գորգոյ կամ կտաւոյ կոչի թեզան: Առէջք եւ թեզանի միասին կազմեն
զգորդ:

նական վարկանի զսիրտ բնութեան եւ զսիրտ մարդոյ, զի որպէս ցաւղաքամ սիրտ ծաղկան, նոյնպէս եւ հրճուահեղց սիրտ մարդոյ

ի ծոցի լեալ յայր յայդմէ
Զերանգս յինքեան նկարէ,
Եւ որքան յես արփին յամէ,
Ինքն զիրճուանս յերկարէ:⁵⁶

Այդու պատկերաւ իսկ գոգցես Ալիշան պարագրէ զաշխարհ համայն ի մէջ երկոցունց կիզակիտաց՝ մի որոց է արեւ՝ յորոց բխին առէջը խայտաճամուկ գորդոյ, եւ մեւսն է սիրտ՝ յորում վերստին միաբանին կիզակիտին շառաւիղք: Զգածութիւն զմայդմանց բերէ ընդ իւր զերաժշտականութիւն քերթուածոց եւ բնոյթ երգոց տայ զթեթեւ կշռոյթ բանատողից: Ի նմին քերթողական աշխարհի՝ «յերգս հանգրուանաց», հովուամանուկ թափեալ զքուն անուշակ՝ առաջնորդէ խաչին ի լերինս ի վեր, յորոց անկեալ ի ձորս՝ վտարակ⁵⁷ առուրք կազմեն զգտակ մանուածաւալ, որ գայ շարժել զիսորշխորշեայ անիւս՝ որք զալեւը հոսեն: Ի պատկերի համարէն միահիւսի ամենայն ընդ ամենայնի, եւ չիք ինչ խանգարիչ երջանկութեան մարդկայնոյ:

Մակդիրք Ալիշանի յյագեցումն պարարեն ամենայն զգայառանն, զի ոչ երբեք ի կիր արկանին առ ի յանգաւորել զբանատողս, առ ի յարմարել զվանգս, զոտս, զկշռոյթս: Ալիշան է իսկատիպ բանաստեղծ, քանզի քերթուածք նորին չեն ոտանաւորք, այդ ճշմարիտ ցոլք բանաստեղծական յլացման, որոյ ձեւ եւ բովանդակութիւն միանգամայն բխեն եւ պատշաճին միմեանց: Զարդք ալիշանեան քնարի են ոսկեճամուկ գորդ, փողփողենէջ կամարք, հրընկէց շուրթն եւ ծաղկածին կողք լերանց, սէր հրածորան, աստղակոհակ ծով եւ բազում այդ զմայդեցուցիչ տարերք:

Առատութիւն բաղաձայնութից վկայէ զերաժշտական նրբագոյն զգայարանէ քերթողին եւ վասն առանձնայատուկ ուշադրութեան նորին առ հնչումն բանաստեղծութեան: Դարձեալ զամենայն բաղաձայնոյթ գոյացուցանէ ոսկերչի բծախնդրութեամբ, այնպէս, զի ոչ երբեք առաւել հնչեղ եղիցի ձայնակցութիւն շարահիւսեալ բառից, քան զոր ինչ ասիցեն նոքա ի միասին:

56 ՂԵՒՈՒԴ ԱԼԻՇԱՆ, նուագֆ, հատոր Բ., Վենետիկ 1857, 178: «Ելք արեւու», 1840:

57 Վտարակ՝ վտարանդի, տարագրեալ:

Եթէ առանցք քնարերգութեան Ալիշանի են սէրք առ Աստուած, առ հայրենիս, առ բնութիւն, որք ընդ միմեանս միահիւսեալ են եւ իսկութեամբ իւրեանց միաբանեալ հակամիտին⁵⁸ ի մի եւ նոյն կիզակչո, ապա քնարերգութիւնս այս ստէպ գոյանայ ի հոգեկան եւ ի մտաւոր փոթորկի, զոր առթեն բազմաբընոյթ հակաղըութիւնք, որք էին արտաքս եւ ի ներքս նորա: Երկուութիւն անձին, երկուութիւն զգացմանց, երկուութիւն ընկալմանց... Ամենայն ինչ երեւի ի հակաղըութիւնս, եւ գրիչ Ալիշանի ընդ ամենայն ուրեք երեւակի զհակաղիք պատկերս, եւ զարդ առնէ բարձու արուեստիւ իւրով: Այսու իսկ արուեստ Ալիշանի յաճախ ակաղձուն է հակաղըրապատկերաւք, որ յայլոց contrast կոչի:

Ցստակագոյն նշան ներանձնեան երկուութեան, որ երկատէ զստեղծաբանութիւն իսկ Ալիշանի, է աւտարումն յիւրմէն իսկ էութենէն ալեւոր նահապետին այնորիկ՝ որ յանդգնեցաւ դիմադարձել ընդ իւր՝ գերապատուելով «զանբաւական, զաւտարացեալ, ի բնիկ հայկական ոնցյ այդազգացեալ, զիդնուկ լեզու» ընդ «վսեմական գրոց լեզուին» եւ «կալաւ զբրիչ ընդ գրչի»⁵⁹:

Ալիշան յաճախ հանդէս բերէ զհանդիպադրութիւնս⁶⁰, որք ոչ սոսկ պարզ հակաղըութիւնք են եւ ոչ հականիշ բառիւք կառուցանին, այլ բազմաչափութեամբ իւրեանց զանհեթեթութիւն եւ զբաղդատականութիւնն⁶¹ մարդկային կենաց ցուցանեն ի զուգակշռութիւնս⁶²: Շղթայ ներհակութեանց անցանէ ընդ բազում քերթուածս Ալիշանի, յորոց է «Ծաղր թէ արտասր»⁶³, որ ի վերնագրոյ սկսեալ ցաւարտն զառեղծուած մարդկային էութեան կշռէ նժարիւք պատկերաւոր հանդիպադրութեանց եւ թուի՝ դիտէ զբազմաչափութիւն մարդկային գոյի ակամքն վերնայնով, ի դիտակիտէ արարչին: Եւ բանաստեղծութիւն նմանի տեսողական պատրանաց ի գծանկարի «Յարաբերականութիւն»⁶⁴ (1953) նիդեռ-

58 Հակամիտել՝ հակել և միտել միանգամայն:

59 «Բազմավէպ», 1847, թիւ 12, 188: <http://tert.nla.am/archive/NLA%20AMSAGIR/Bazmavep/1847%2812%29.pdf>

60 Հանդիպադրութիւն՝ հակադրութիւն, ներհակութիւն:

61 Բադրատականութիւն – յարաբերականութիւն, անգլ.՝ relativity:

62 Զուգակշռութիւն՝ զուգադրութիւն, համեմատութիւն, հաւասարակշռութիւն, չափորոշումն:

63 Նուագֆ, հատոր Բ, Վենետիկ 1857, 109:

64 <http://dianov-art.ru/2014/01/28/test-eshera/maurits-cornelis-escher/>

լանդացի՝ նկարչի՝ Մաւրից Եշերի (Maurits Escher), յորում իւրաքանչիւր ոք բնակէ ի սեպհական աշխարհի եւ ոչ կարէ քայլել ընդ յատակ այլոյ բնակչի, քանզի ամենայն ոք ունի զսեպհական ըմբռնումն հորիզոնի եւ ուղղաձգութեան, սակայն ամենայն ոք գործածէ զմի եւ զնոյն սանդուղմ:

Մին յար ի սկիզբն, ոմն յաւարտ
Ներակրթիմ⁶⁵ հանապազ,
Եւ ոմն ի վեմ կորողէ,
Մեւսն յանյատակ ի յաւազ.
Նա եւ որ հիմն է սորա
Լինի միւսոյն ի ձեղուն,
Եւ լուսանցոյցք՝ ի դարանս
Փոխանակին երկոցուն...

Ի քերթուածոյ «Խաղաղութեան ճայն հնչեսցի» պատկերք առատագոյնք են, հանդիպաղորութիւնք վառ եւ յորդաբուխ՝ յախուռն ոճովն նարեկացւոյն, այդ երբեմն ողբոյ ինորենացւոյն բերեն զերեւոյթ: Եւ ստէպ նիւթ միսի ի յետին կարգ, զի յառաջ եւ գեր ի վերոյ քան զմաննաւոր նիւթ քերթուածոյ իցեն գաղափարք յաւէժականք առ որս յարնչի քնար Ալիշանի երկոքումբք բեւեռաւք պատկերաց: Եւ գլխաւոր առանձնայատկութիւն ալիշանեան հանդիպաղորութեանց է զի թանձրացեալ գաղափարք կերպաւորին ի սահմանմունս ընդ հուպ փոխելն յասացուած⁶⁶, որ ի լեզու յունաց կոչի ափօրումօչ:

Կէս սանձակոծք եւ կէս անսանձք,
Վարիչք վարեալք յապշոպ⁶⁷ ի նոյն,
Ոչ զրկեալն հանդարտէ,
ոչ զրկահար⁶⁸ ինդայ ընդ հարուած.
Ամաչէ յալթական,
վառաւորի յալթական յամաւթ,
Կապեալն ոստուցանէ,
եւ որ կապէն՝ զինքն վարակէ⁶⁹.
Որ տապալէն ու որ տապալին
դէմ ընդդէմ կան զգողանի.

65 Ներակրթել՝ քաջ կրթել, ներվարժել, հմտացուցանել:

66 Ասացուած՝ աստ՝ թանձրացեալ գաղափարք ի սահմանմունս, ալիորիզմ:

67 Ապշոպ՝ խոռվութիւն, աղմուկ, շփոք:

68 Զրկահար՝ զրկեալ:

69 Վարակել՝ կապել, կաշկանդել, պարանել, պատել, համակել:

Անհասիցն ձեռնարձակք
եւ առանունայց ապախտաւորք:
Հարաւ յանաւրս որոտահուրս
աստուածաբարձ զէնն հաշտարար
ի խունապկլ հաննարեղին
իմաստնանալ կարծեաց պանդոյք⁷⁰.
Լարեցան լեզուք, լցան
աղեղնարանք⁷¹ ի հրապարակս.
...Լուսցեն ծերք, զի՞ համբակաց⁷²
խելապատակ զեղաւ հաննար.
Ամաչեսք իմաստուն.
լուռ լիցի արդար, զի նոր է դարս

Գաղափարաց հոծումն եւ թանձրացումն ի բանի՝ է ընդար-
բոյս ուրոյն յատկութիւն Ալիշանի, եւ բազում ինչ ի նոցունց
սփռեալ է ի քնարերգութեան նորին: Ժողովրդեան պարզո՞ն եւ
խորիմաց ասացուածոց լծակիցք են նոքին, եւ անկ է ժողովածոյց
ալիշանեան ասացուածոցն եւս կազմել, ի տիպ որպիսեաց են
զատուցեալքս այս.

- Ուր երկուցն է կէտ ըղձից՝ եւ սիրտք անդ գումարին⁷³:
- Բաղդ արագուն յերթալ, ի գալ՝ գայթ ի գայթ⁷⁴:
- Ո՞ր աւգուտ թեւոց աստեն՝ թէ թոչանաց չափին սահմանք⁷⁵:
- Հայեա՛ց յանցեալսն եւ գալիս, եւ ծանիցես զիեկ քաջ⁷⁶.

Եւ արդ, զի չէր հնար ի միում ակնարկութեան լրացուցա-
նել զտեսութիւն ստեղծաբանութեան Ալիշանի, յաւելում եւ եթ,
զի բազում են անծանք խորութիւնք քնարերգութեան նորին, եւ
սուզումն անդր զտաւն զմայդանաց պարզեւեսցէ եւ առթեսցէ
զգիւտ ազնուագունից մարգարտաց բանի, բազում ինչ անտի
տակաւ տակաւ ի յայտ եկեսցէ, եւ առաւել ծաւալեսցի պարագ-
րութիւն մեծութեան ծովուն:

70 Պանդոյք՝ անմիտ, յիմար:

71 Աղեղնարան՝ դիմախաւս, ճգող զրանս թիւրեալ, մոլորեալ, խոտորեալ
աղեղամբ:

72 Համբակ՝ աշակերտ, դնուարոյս տիաւի:

73 ՂԵԽՈՂԴ ԱԼԻՇԱՆ, նուազք, հատոր Բ., Վենետիկ 1857, 117: Բան. «ԱՅ-
ցամէ եւ այդ»:

74 Անդ եւս՝ «Անցամէ եւ այդ»:

75 Անդ, 51: «Առ քանակերին»:

76 Անդ, 140: «Առ քարձրամիտ»:

Ի հեռաստանէ դարուց առաւել անհպելի լինի առասպելացեալ կերպար Ալիշանի, որ պատկառազգու տեսլեամբն իւրով բերէ գհանրական տիպ լուսաղաւան նախնեաց մերոց եւ զաւրինակ խորհրդազգեաց մարդարէիցն։ Ի կիտի բաժանմանց ճանապարհաց հնոյ եւ նորոյ, անցելոյ եւ գալեաց ընդ կաղնեաւ բազմեալ է նա որպէս անմահ ալեւորն զրուցից Հայոց՝ առ ի ցուցանել զուղի գանձուց աներեւութից։ Եւ ոչ եւ եթ ուղեցոյցն է անվրէպ, այդ եւ է ոգեղէն ուղեկից զճանապարհայն, եւ միանգամայն է նոյն խորհրդալից ուղին իսկ։ Բարի եղիցի երթ մեր ընդ ճանապարհն այն։

ՀՈՒՍԻՆԵ Ա.Ի.ԵՏԻՍԵԱՆ

Summary

ALISHAN'S POETIC ART

LUSINE AVETISYAN

Alishan is an exceptional and phenomenal writer, whose lyric poetry can and should become the subject of interdisciplinary research, linguistic and literary studies at the same time, because it allows comparing the displays of two linguistic thoughts of the same person, and also makes it possible to see the advantages and disadvantages of classical and temporarily literary languages, in relation to language toolkits.

Since the poetic art of any writer is a collection of original, specific, expressive, impressive elements of his work, the first feature and originality of Alishan's poetry is the classical language, which only by itself fully reveals its own encoded meanings. His poems written in grabar cannot be translated into modern Armenian without semantic, sound and image losses. Carefully selected epithets, abundantly used alliterations, by not simple antonymic words depicted contrasts reveal Alishan's refined, penetrating look and subtle ear and his deep perception of the picturesque and musicality of the world.